



SIB QHIA XOV XWM


Volume 2, Issue 3, Lub Caj Hli Ntuj 2008

Tsab xov xwm no yog rau cov neeg zov menyuam uas zov cov menyuam hauv Wisconsin Kev Pab Them Nqi Zov Menyuaam, ib qho kev pab cuam uas pab cov tsev neeg uas tau nyiaj tsawg them cov nqi zov menyuam uas muaj cai tswj thaum uas mus koom hauv cov dei num ua hauv lwm.

- WI Lub Caj Meem Fai Muab Kev Pab Rau Cov Menyuaam thiab Cov Tsev Neeg
- Cov Sij Hawm Thaum Tsis Muaj Kawm Ntawv
- Tus Neeg Zov Menyuaam Qhov Chaw Muab Cov Lus Qhia
- Cov Neeg Zov Menyuaam Uas Ob Leeg Tau Ntawv Tso Cai
- Kho Lus: “Them Nyiaj Siab Zog rau Cov Neeg Zov Menyuaam Uas Tau Kev Kawm”

WI Lub Caj Meem Fai Muab Kev Pab Rau Cov Menyuaam & Cov Tsev Neeg

WI Lub Caj Meem Fai Muab Kev Pab Rau Cov Menyuaam thiab Cov Tsev Neeg (DCF) Tus Neeg Tuav Ntaub Ntawv Reggie Bicha tshaj tawm tias Dan Harris yog Tus Tuav Txoj Hauj Lwm hauv Ceg Muab Kev Pab Rau Kev Zov Menyuaam Thaum Yau thiab Kev Kawm Ntawv. Dan los ntawm New Mexico Lub Caj Meem Fai Muab Kev Pab Rau Cov Menyuaam, Cov Hluas thiab Cov Tsev Neeg los uas nws yog tus saib xyuas qhov kev soj ntsuam, qhov kev pab cuam hais txog kev pab zov menyuaam, kev muab ntawv tso cai zov menyuaam, cov kev qhia hais txog kev zov menyuaam thiab kev xa mus rau lwm qhov, Qhov Kev Pab Khoom Noj Rau Cov Menyuaam thiab Cov Laus Uas Zov Ntawd, thiab qhov kev pab qhia ntawv ua ntej yuav mus kawm ntawv uas tsoom fwm pab nyiaj.



Dan saib xyuas Lub Koom Haum Qhia Ntawv Rau Cov Menyuaam Thaum Ntxov (Bureaus of Early Childhood Education [BECE]; thaum ub hu ua DWD Seem Zov Menyuaam) thiab Kev Pab

Thaum Ntxov thiab Cov Kev Tswj (BECE; thaum ub hu ua DHFS Lub Koom Haum Muab Kev Tswj thiab Ntawv Tso Cai), nrog rau Qhov Kev Pab Cuam Sib Koom Qhia Ntawv Ua Ntej.

Txawm tias cov xov tooj thiab cov chaw nyob xa ntawv nws tseem nyob zoo li qub los, muaj ib tug email tshiab rau ib tug neeg ua hauj lwm (#1 hauv qab) thiab ib lub website tshiab (#2 hauv qab):

1. firstname.lastname@wisconsin.gov
2. <http://dcf.wisconsin.gov/childcare/default.htm>

Cov Sij Hawm Thaum Tsis Muaj Kawm Ntawv

Thaum uas ib qho chaw zov menyuaam hauv zos muab ib qho kev tso cai zov menyuaam rau cov menyuaam uas muaj 4 xyoos rov saud, tus qaus quag ntawd cia li tsim ib qho “Cov Sij Hawm Thaum Tsis Muaj Kawm Ntawv” rau tus menyuaam. Ib co menyuaam me tej zaum tseem yuav tau txais Cov Sij Hawm Thaum Tsis Muaj Kawm Ntawv yog hais tias lawv nyob hauv ib qho kev pab cuam xws li Head Start ntxiv nrog rau qhov kev pab zov menyuaam.

Cov Sij Hawm Thaum Tsis Muaj Kawm Ntawv yog cov sij hawm muaj rau cov niam txiv thiab tus neeg zov menyuaam uas yuav them cov sij hawm zov menyuaam uas tshaj vim tsis muaj kawm ntawv uas twb teem cia ua ntej lawm los sis tsis tau teem cia ua ntej. Piv txwv li:

Ib tug menyuaam muaj cuaj xyoos uas txhua zaus zov thaum 3:30 txog 5:30 tsaus ntuj ho xav tau kev pab zov thaum 7:30 sawv ntxov txog rau 5:30 tsaus ntuj rau hnuv uas los los daus los sis hnuv uas cov kws qhia ntawv muaj sib tham tom tsev kawm ntawv. Qhov tso cai zov tus menyuaam txhua zaus yog kaum (10) teev ib as thiv twg raws hnuv tuaj xwb los sis raws kev sau npe zov. Lub as thiv uas tsis muaj kawm ntawv, ho zov tus menyuaam 18 teev, li no tus neeg zov menyuaam yuav sau tias zov yim (8) teev uas yog Cov Sij Hawm Thaum Tsis Muaj Kawm Ntawv rau lub as thiv ntawd.

Ib co menyuaam tsuas mus rau neeg zov thaum uas tsis muaj kawm ntawv xwb. Cov menyuaam no tsis tau kev tso cai zov pes tsawg teev li thiab tsuas siv

Cov Sij Hawm Thaum Tsis Muaj Kawm Ntawv xwb rau thaum uas tsis muaj kawm ntawv.

Cov Sij Hawm Thaum Tsis Muaj Kawm Ntawv tsuas sib tau rau thaum lub xyoo kawm ntawv thiab tsuas siv tau thaum uas tsev kawm ntawv kaw lawm xwb. Cov neeg zov menyuam tej zaum yuav tsum tau sau tias tsev kawm ntawv kaw lawm thaum uas yuav kom them rau Cov Sij Hawm Thaum Tsis Muaj Kawm Ntawv.

Thaum uas tas xyoo kawm ntawv lawm, cov menyuam yuav tsum tau cov kev tso cai tshiab uas qhia tau tias lawv xav kom zov heev npaum li cas rau thaum lub caij ntuj sov. Cov Sij Hawm Thaum Tsis Muaj Kawm Ntawv mas tsuas siv tau rau cov hli thaum lub caij ntuj sov xwb. Cov Sij Hawm Thaum Tsis Muaj Kawm Ntawv tsuas siv tau rau thaum lub caij ntuj sov yog hais tias tus menyuam mus kawm ntawv thaum lub caij ntuj sov.



Cov Sij Hawm Thaum Tsis Muaj Kawm Ntawv tsuas yuav siv tau tom qab tus menyuam tau siv tas cov sij hawm uas tso cai rau nws rau lub as thiv ntawd lawm. Piv txwv li:

Tau kev tso cai zov ib tug menyuam li ntawm 20 teev ib as thiv twg tiam sis tsis tsim nyog rau Cov Sij Hawm Thaum Tsis Muaj Kawm Ntawv yog hais tias lawv siv tsis tau tas thawj 20 teev ua ntej tso. Yog hais tias tus menyuam muaj mob nyob rau hnuv Zwj Hli (Monday)/Zwj Quag (Tuesday), mus rau zov plaub (4) teev li niaj zaum nyob rau hnuv Zwj Feej (Wednesday)/Zwj Teeb (Thursday) thiab kaum (10) teev rau hnuv Zwj Kuab (Friday) vim hais tias tsev kawm ntawv tsis qhib, tus menyuam twb siv tas 18 teev lawm li no yuav tsis siv Cov Sij Hawm Thaum Tsis Muaj Kawm Ntawv rau lub as thiv ntawd.

Yog hais tias koj qhia txog qhov tuaj rau zov nyob online (CCPI), koj yuav tau qhia Cov Sij Hawm Thaum Tsis Muaj Kawm Ntawv rau hauv seem uas nyob rau sab xis ntawm seem uas koj qhia txog cov sij hawm uas mus rau zov tas li. Yog hais tias seem ntawd nws kos doog thiab tsis kam koj sau

rau hauv, tus menyuam tsis muaj Cov Sij Hawm Thaum Tsis Muaj Kawm Ntawv lawm. Hu rau qhov chaw zov koj tus menyuam yog hais tias qhov ntawd yog ib qho yuam kev lawm.

Yog hais tias koj qhia txog cov sij hawm mus rau zov hauv Daim Ntawv Qhia Cov Sij Hawm Mus Rau Zov, koj yuav qhia Cov Sij Hawm Thaum Tsis Muaj Kawm Ntawv nyob rau kab hauv qab ntawm cov sij hawm uas niaj zaum mus rau zov. Yog hais tias kab ntawd nws twb muaj tus “x” rau hauv rau txhua hnuv lawm, tus menyuam tsis muaj Cov Sij Hawm Thaum Tsis Muaj Kawm Ntawv lawm. Hu rau qhov chaw zov koj tus menyuam yog hais tias qhov ntawd yog ib qho yuam kev lawm

Tus Neeg Zov Menyuam Qhov Chaw Muab Cov Lus Qhia

Muaj coob tus neeg zov menyuam siv Tus Neeg Zov Menyuam Qhov Chaw Muab Cov Lus Qhia (CCPI) los saib cov lus qhia hais txog cov kev tso cai, cov kev tuaj rau zov, thiab kev them nqi.

Muaj coob tus neeg zov menyuam uas siv CCPI tseem ntaus tau qhov uas menyuam tuaj ntawd nyob on-line thiab, nws yog ib qho uas ceev thiab ncaj dua Daim Ntawv Qhia Cov Sij Hawm Mus Rau Zov (ARF).



Ib co nras, nrog rau Milwaukee, yuav kom yuav tsum tau muaj kev kawm txog CCPI ua ntej yuav mus nkag tau thiab sau tau qhov tuaj rau zov nyob rau hauv on-line – hu rau koj qhov chaw zov menyuam hauv zos yog hais tias xav paub txog cov hnuv uas kawm.

Yuav kom nkag tau mus siv CCPI on-line, cov neeg zov menyuam yuav tau kos npe cog lus hais tias lawv yuav tsis qhia tawm lawv tus ID thiab lo lus zais (passwords) thiab yuav lees txhaum yog tias cia lwm tus neeg siv cov lus qhia txog lawv. Cov neeg ua hauj lwm hauv kev ruaj ntseg yuav tshem tawm txoj kev



nkag tau mus siv yog hais tias pom tias tus neeg zov menyuam ntawd cia qhov uas nws nkag ntawd rau lwm tus neeg siv.

Yog hais tias yuav tsum tau muaj ib tug neeg ntxiv los nkag saib CCPI cov lus qhia, yuav tsum tau thov kom muab ib tus ID ntxiv thiab ib lo lus zais ntxiv. Yuav tsum tau thov kom tshem tawm txoj kev nkag rau hauv yog hais tias ib tug neeg tawm tsis ua hauj lwm lawm.

Yog muaj lus nug txog cov kev tso cai los sis lwm yam li ntawd, yuav tsum tau saib hauv CCPI ua ntej hu rau koj lub laj fai saib xyuas kev zov menyuam hauv zov.

Tib yam nkaus li cov ntawv ARF, cov neeg zov menyuam yuav tsum tau ntaus qhov cov menyuam tuaj rau zov kom yog yog.

Tsis hais seb tau cov kev tso cai li cas li, yuav nplua koj yog hais tias qhia cov sij hawm ntau tshaj qhov tuaj rau zov yog hais tias lub laj fai hauv zos los sis DCF pom tias qhia cov sij hawm ntau tshaj qhov uas tuaj rau zov lawm. Ntxiv nrog rau qhov uas kho qhov uas qhia cov sij hawm ntau tshaj ntawd, tej zaum yuav raug nplua rau qhov uas qhia cov sij hawm ntau tshaj qhov uas menyuam tuaj rau zov.

Cov neeg zov menyuam yuav tsum tau ceev cov ntawv uas qhia sij hawm tuaj thiab sij hawm tawm uas sau lub sij hawm ib tug menyuam tuaj txog thiab lub sij hawm tus menyuam ntawd tawm mus.

Yog xav paub ntxiv mus rau ntawm:

<http://dcf.wisconsin.gov/childcare/ccpi/pdf/ccpimanual.pdf>.

Cov Neeg Zov Menyuaam Uas Ob Leeg Tau Ntawv Tso Cai Zov

Qee tsev neeg muaj ob tug neeg muaj ntawv tso cai thiab ntawv pom zoo zov menyuaam. Feem ntau, tso cai rau nkawv zov menyuaam txog 12 teev ib hnuv twg nrog rau 4 teev ntxiv rau lub sij hawm uas pom zoo rau.

Thaum uas zov menyuaam rau cov sij hawm uas pom zoo rau, cov neeg zov menyuaam yuav tsum tau ua raws li qhov uas yuav tsum ua hauv qhov kev pom zoo, xws li seb tsuas pub zov pes tsawg tus menyuaam xwb.

***** KHO LUS *****

Them Nyiaj Siab Zog rau Cov Neeg Zov Menyuaam Uas Tau Kev Kawm

Hauv tsab xov xwm thaum lub [Rau Hli Ntuj](#) muaj ib qho yuam kev hauv tsab xov xwm hu ua, "Them Nyiaj Siab Zog Rau Cov Neeg Zov Menyuaam Uas Tau Kev Kawm."

Qhov uas qhia txog cov koom haum uas tsim nyog rau Cov Neeg Zov Menyuaam Hauv Tsev Rau Tsev Neeg **yuav tsum** tsis txhob muaj Wisconsin Early Childhood Association (WECA) nyob rau hauv.